


Inuit Inmikun-Munariyuat, Inuuniarviitlu Nunaptingniituuatlu Nunatchiami – Atautchikun Savaqatigiiktuat Kavamatkut Nunaptingni Nunatchiami Sivunniuliurutingit Makpiraaqpangmun Aglaktat

Atautchikuaqlutik savaqatigiiktuat:



Sivuninganun pimasuktangit Angalatchiyuat 15nik Katimavingnik:

Inmikun munariyuat Inuit Ilagiitlu nakuuyuakun inuuniaqtuat inuuniarviitlu ayupsangaiqtuaniklu atautchikun savaqatigiiktuat nunaruqublugit uvani Nunatchiami Nunaptingni.

Sivulliqpauyuat Maligutaksait:

Ukuat sivulliqpauyuat maligutaksait malingniarait Kavamatkut Nunaptingnun.

Inmikun-munariyuat:

Nunaptingniituuat Inuit, nutarariitlu kavamatkutlu inmiqauqlutik inuuniarviitlu angalatchiyatlu inmiqauqlutiklu isumaliulasinaqtuat.

Piqatigiit:

Allat savaqatigiiklugit nakuuqublugit iluatqublugulu inuupingnun Nunaptingniituanunlu.

Savamaariklutik:

Kavamatkut iyyituyuuatlu ililugit ikayuqubluta qanurliqaa ikayuqsiruupta.

Kamaginiq:

Tamaita inungit piqpagilugit, kamagilugit, nagliktaulugit, suliptauq, inuit nunangit piqpagilugulu suinnalinginman sulii.

Kituutlaangit:

Suangaqublugit kituutlaangit tamaita inuuyuat, pitqusuruqtuat nunaruqtuatlu.

Ilumuurniq:

Isumaliurniq iluaqtuq tamainnun, iqtalaituq sivunniuliumik, suniarumik quliamiaqtuq, savautilugitlu inuit nakuuyukun atdigiiktuatun ililugit.

Sivullituyaksat:

Ukuat kavamatkut sivullituyaksait savaaksat angalatchitilugit. Aglaangitun sivunniurutinginni iliyat, inungitlu, nutarariitlu, inuuniarviitlu, savaruqtuat inmikun, kavamatkutlu savaqatigiiktuat nakuuyukun aulasukkumik.

1. Ikayurlugit inmikun ikayuqublugit – uvagut ikayurukkiut nutarariitlu, ilagiitlu inuuniarviitlu

- Ilisarluta – nutaqatlu innaitlu ilisautdijilugit iluaqtuakun;
- Igluksillugit inuvut – ilitchurilugit iglukittuat igluittuatlu inugiaktuat;
- Iluaqtuakun inuusiruaqtuat – nakuunngittuat pillaiyatqublugit nakuuyuanik inuusiruaqtublugit; suliptauq
- Atautchikun savaqatigiitqublugit inuuqatigiitqublugitlu – nutaanik aulaviksanginik ililugit inuuniarvingni.

2. Uqaqatigilugit iluaqtuanik piniaqlutik Kanatamunlu Nunaruqaqtuanunlu kavamangik

- Quyalitigilugit nunamiittuat atuaksat – piyangit nunamin maninnagumik nunamiittuanin maliruliaruarniaqtuq Kanatakunni;
- Savaaksat sannainngittuat sanairlugit – angirutait sannairlugit nunatigun, nunamiittuatigun inmikun-kavamaruaktuat; suliptauq
- Uqaqatigiiklutik, angalatchiviksait nuuniarman, kavamait nunaptingni malirulialulasinaqtuat inmikun – iluaqtuanik malirulialuqutik.

3. Takunnaglugit savatiksaqputlu inuuniarvingmiittuatlu angalatchiyut

- Tamaita ilimayuat inuuniarvingmi takunnaglugit – ikayurlugit mikiyuat savagviit, ingilraatun itdjusingitigunlu, nautdjivksanik nunamilu iqalliqiyinirlu, suliptauq aglipkarlugu itiriaqturviksangit;
- Tunigviksaitlu ilitchurilugit – aulaviksaitlu inuuniarviitlu pingit ilurritlugit;
- Akiklilaarlugu inuuniarvingni nunaptingni – miklipkarlugit akingit ukuat aulaviksait sumun, iglut aulaviksaitlu, uqarviitlu, nunatlu akingit; suliptauq
- Nunaptingniituuat quyalitigilugit tuqlupaliurumik uqsuryuanun – Nunaptingni inuuniaqtuq ilisautilugit savaanik savaktigilugit aasiin Mackenzie Valley pipelinekut isakpata.

4. Silalu Nunalu munarivksaat

- Munarilugit sila, imaq, napaaqtut, nunalu – savaakirumik munarimmaaringniaraat nunaptingniituuat;
- Sanalugu iluaqtuanik ikitdjivksangit qullinun ingnirvingnunlu iglumun – salumayumik akiipayaqtuaniglu aulaviksangit ililugu nunaptingniituanun, uqallautilugitlu qanuq nakuutqiyuaq aturnaqtuq; suliptauq
- Nunaptingniituuat iqsinatquanik pimayuat NWTmi salummarlugit – uqallautilugit federalkut kavamangit salummatqublugit savagviit inuiqtuq ingilraan federalkut nunanganni qilamingayaami salummaqasait maliklugit maliruliat nunatigun silatigunlu.

Suyaksat:

Qapsinik suyaksangit ilimayut sivunniurutinginni.

Savaaksat Atautchimuktuat:

